

Sastanak s novom savjetnicom za razvojnu saradnju Ambasade Kraljevine Švedske

24.09.2014 14:19



U Banja Luci je 23. 9. 2014. godine, u prostorijama Republičke uprave za geodetske i imovinsko-pravne poslove Republike Srpske, održan sastanak predstavnika entitetskih uprava za geodetske i imovinskopravne poslove te predstavnika CILAP projekta s novom savjetnicom za razvojnu saradnju Ambasade Kraljevine Švedske u Bosni i Hercegovini Marie Bergstrom.

Sastanak je održan u cilju upoznavanja nove savjetnice za razvojnu saradnju Ambasade Kraljevine Švedske s nadležnostima i aktivnostima koje provode entitetske uprave za geodetske i imovinskopravne poslove, kao i prezentacije stanja realizacije dosadašnjih i plana realizacije budućih aktivnosti CILAP projekta.

Sastanku je ispred Ambasade Kraljevine Švedske prisustvovao i Nedim Bukvić, dok su ispred CILAP projekta prisustvovali direktorica projekta Anđa Zimić, te konzultanti Šeho Zimić i Dejan Jeremić. Ispred Federalne uprave za geodetske i imovinsko-pravne poslove sastanku su prisustvovali direktor Željko Obradović i pomoćnik direktora Nedžad Pašalić, a ispred Republičke uprave za geodetske i imovinsko-pravne poslove RS sastanku su prisustvovali direktor Miloš Komljenović i savjetnik direktora Darko Mišković.

Sastanak je protekao u konstruktivnoj i radnoj atmosferi, uz dogovor svih učesnika sastanka da se i dalje nastavi s implementacijom CILAP projekta, kao i sa saradnjom Kraljevine Švedske i Bosne i Hercegovine na unaprjeđenju zemljišne administracije u Bosni i Hercegovini.